

本书出版得到国家古籍整理出版专项经费资助

清代吏治史料

綏蒙書局

官員管理史料 五〇

清代吏治史料

綫裝書局



太子太保兵部右侍郎兼都院右副都御史總理糧儲提督軍務巡撫江寧
等處地方世襲三等阿思哈尼哈番降三級又降二級留任臣高其倬謹

題為揭報署倉虧空錢糧詳請

題恭覲追事該臣晉得錢糧開像

國帑那缺即干

功令茲據獲州布政使白鍾山等詳報前署丹陽縣知縣仲尚錡有虧空節年
蘆課漕折田房變價等項共銀一千二百五十九兩零造冊請叅前來除經
批飭該司嚴查侵那寔情併此外有無別項未清另報並將款冊送部外相
應

題叅請

旨革職以便究追臣等未敢擅便謹題請

旨雍正十二年八月二十七日題九月十八日奉

旨這叅仲尚錡著革職其虧空銀兩情由該督究審追擬具奏該部知道

總督河南山東等處地方軍務督理營田兼理河道兵部右侍郎兼都察院右副都御史兼管河南巡撫印務加一級紀錄八次仍帶降職一級臣王士俊謹題為特叅剛供捏詳玩視人命之縣令等事竊照知縣一官職司民牧遇有地方

人命重案必須無枉無縱庶稱尽心辦公無忝厥職未有如歸德府永城縣知縣董起營私舞弊罔顧

功令

之甚者緣永城縣已革生員胡知性四弟胡幅五弟胡愉緣胡幅病患之嗣知性之子胡三欲圖承繼得產詎胡幅臨終之時將胡愉幼子胡煩誠擇繼為嗣胡三不甘持刀前往胡愉之家將胡愉夫婦併胡煩誠先後劊砍立時斃命胡愉之女胡大姐被劊三傷未死惟胡愉長子胡煩智及壹幼女俱各藏避未經遇害親屍胡大姐胡煩智到案初供已將胡知性喝令叫劊併胡三之兄胡二持鎗把門弟胡四等尾進屋之復供明而董起於錄供出詳之後復令刑書周惠遠等將文赶回俱行刪去止稱胡三壹人殺死另叙詳報承審之時惟將胡

具呈隨批按察司張鳴鈞詳委祥符縣會同審究乃董起猶以胡大姐於驗屍時雖有胡知性喝令併胡二守持鎗擊斃之語因質之鄰証俱稱胡三殺死詰訊胡大姐亦即改供止有胡三壹人恐案情支離將文起回刪去得等語掩飾具詳臣復嚴駁確審隨發祥符縣知縣安鳳彩細加研究而胡大姐堅供如初則董起所稱屍親自行改供之語更為虛捏除飾祥符縣提齊案内各犯確審由府司審擬招解外似此刪供挾詐玩視人命之員斷難姑容貽悞公務茲據司道府各揭報前來所當疏叅請

旨將董起革職以便與案內人犯質審有無受賄一併究擬者也再查永城縣為衝繁相兼之缺關係緊要查有雍正九年奉

旨命往河南酌量委用鄭國相才具練達堪以試用除委往摘印署理併查明董起倉庫有無虧缺另報其鄭國相俟署之後如能竭力辦公確有政績再行題請實授謹題請

旨雍正十二年九月初一日題奉本月十八日奉

旨這所參董起著革職其刪供捏詳情由及奉內有名人犯該督一併究擬具奏餘著議奏該部知道

巡撫安慶等處地方提督軍務都察院右副都御史臣王紘謹

題為特叅貪劣之縣令以肅官方事切照縣令一官職司民牧必須操守廉潔

聽斷明允期無枉縱方稱厥職乃有懷遠縣知縣賈健賦性貪婪恣意剋剋聽訟顛倒民多冤抑巨細加查察怨聲沸騰職行彰著謹將該員劣蹟臚列為我

皇上陳之一該員自到任以來每季應給各役工食銀兩巧借公費藥以九扣給

發已據民壯姚美等供証一該員違禁私收陋規每節收受官姓陳姓二典舖規禮銀各二十四兩又收合字號楊伊伯及葉姓二鹽舖每節規禮銀各十六兩有舖戶可証一該員承審額成與年通姦同謀致死親夫張連住一案並不虛衆細鞠任聽各犯証扳狡展將姦婦年氏擬以不知情律絞迨經司審究出年氏同謀致死實情改擬凌遲處死見在核疏另

題一該員因懷邑監生楊三考圖姦寡婦宋氏之女齊氏被氏痛罵懷恨見宋氏乾子劉湘往來其家與伊兄楊澍伊叔生員楊大椿相商密令地棍唐秀

借買麤名色闖入內室誣指劉湘爲姦復賄保長陳盛捏稟威逼宋氏母女
自縊殞命氏姓齊廷瑞具控三考三考情極重賄書役張文英招房劉琮等
串通宅門家人徐二行賄佈置該員即將三考開釋夾訊廷瑞律以誣告具
詳并將寫狀之陸守元酷夾致斃見在駁審似此貪贖不法之員斯准一日
姑容以貽民害臣正在繕疏間據按察司劉吳龍會同布政使李蘭分巡鳳
廬道副使李如蘭鳳陽府知府吳同仁等具詳揭報前來與臣查察無異所
當特疏

題 奏 請

旨將知縣賈健革職以便審擬者也至所遺員缺即委學習進士侯封前往摘印
署理俟試看果能勝任另疏

題 請 實 校 證 會 題 請

旨雍正拾二年八月二十三日九月十八日奉

旨這所奏賈健著革職其貪贖不法情由及本內有名犯誣該督一併審擬具奏
餘著議奏該部知道

吏部等衙門經筵講官少保燕太子太保保和殿大學士兼管吏部戶部尚書
事加六級臣張廷玉等謹

題為咨送事該臣等會議得兵部咨稱准理藩院咨稱先經管理臺站總官五十
四將十八臺二十三臺失去包袱之披甲人等呈請照例治罪本院隨令該總官
將管理臺站官員併駐劄臺站官員分晰報部查議去後今據該總管查據管
理臺站侍讀學士常保呈稱現生二十三臺之官係原任廣吉士舒明蒙古委
署章京鄂爾者圖遞送包袱遺失之披甲人係東羅布綽克圖烏拉齊秦布二
十三臺係委署恭碩阿必錫克所屬地方現生十八臺之官係原任知府高其
偉蒙古委署章京王本扎布遞送包袱遺失之披甲人係阿木呼朗烏拉齊諾
木齊十八臺係委署恭碩烏爾呼馬兒所屬地方等因除各臺遺失兵丁家中
寄送衣服書信包袱着落披甲人阿木呼朗等賠補外將遺失包袱之管理臺
站官員併坐臺官員蒙古章京披甲人等查明呈送到院應行文兵部會同本
院一併查議等因查侍讀學士常保等係文職應將原咨送吏部主稿會同理

藩院定議等因移咨前來

查兵丁家中寄送軍前衣服等物乃係軍營需用之項沿途臺站各官理應嚴飭披甲人等加謹遞送今坐臺之原任知府高其偉等並不嚴行約束一任披甲人等玩忽遞送以致遺失殊屬不合應將現坐十八臺之革職知府高其偉併現坐二十三臺之革退庶吉士舒明均照不應重律杖八十查舒明先經五十四叅奏到臺以來止給過蒙古等羊四百八十隻茶葉二千四百包米七石除此並無効力等因於雍正十一年九月十八日奉

旨著枷號仍留坐臺如能効力奏聞釋放倘仍復推諉著永遠枷號俟大兵凱旋之日具奏請旨欽此欽遵現今枷號在臺不便遽行釋責應紀檔俟開枷之日照數補責高其偉係旗人應鞭捌十臺站披甲人阿木呼朗等係特派押送之人中途並不小心照看以致兵丁家中所寄衣服遺失甚屬疎忽將披甲人阿木呼朗等五人懲責鞭一百遺失衣服等物應俟總管五十四查明著落阿木呼朗等賠補所賠之物必給還本人至該管之委署叅領烏爾呼馬爾阿必錫克本臺委署章京玉本扎布鄂爾者圖並不曾教臺站蒙古以致兵丁家中所寄

衣服遺失不合烏爾呼馬爾等既非職員均鞭八十至侍讀學士常保你管理臺站之員將官兵遞送物件並不稽查致有遺失亦屬不合應將侍讀學士又經降調之常保照失於查察例罰俸一年查有紀錄二次應銷去紀錄一次免其罰俸恭候

命下臣部等衙門遵奉施行臣等未敢擅便謹
題請

旨雍正十二年九月十八日題本月辛日奉
旨依議

經筵講官少保兼太子太保保和殿大學士兼官吏部戶部尚書事加六級臣
張廷玉等謹

題為奏

聞事該臣等議得工部具奏咨稱據運送軍需臣部主事常能等呈報蒙派職等運
送軍營帳房等項於雍正十一年十月二十日自京起程到口辦理軍需雁平
道白石僅顧馬車交職起運於五月初十日到十三臺馬匹即至疲乏已於呈
報起程文內報明於六月十四日始到二十二臺馬車大半疲斃不能前進
職等無奈現任貳拾貳臺令伊等收養馬匹請俟可以行走之日催趲前進但
部文有七月內務令到營等語今欲催趲前進實不能行走如不催令前行必至
逾限除報明大將軍外理合報明等因又據員外郎鄒爾泰等呈報職等所運火
藥等項於本年三月十六日據雁平道白石將攙雜肥瘦駝隻令職等起程伏思
火藥等項係緊要之物關係重大除一面起程一面預將緣由報明外職等將火
藥俱分載在肥駝之上所以肥駝亦致疲瘦計至軍營尚有二千餘里職等公

同商議令筆帖式洙隆安廣泰帶領四家駝戶在後行走職帶領七家駝戶先行運至三十二臺今將沿途阻滯之處理合報等因又復據員外郎卹爾泰報稱筆帖式洙隆安帶領駝戶所馱火藥等項到大义地方駝隻疲乏不能前進伏乞行文白石作速辦理駝星夜趕至以便運至軍營理合呈報各等因臣等查軍需物件關係緊要臣部於每起軍需未行之前皆先期行文知照白石等預備壯健車駝以便到口進行前據主事常能報稱雁平道白石願給馬車行至十三臺即至疲乏員外郎卹爾泰報稱白石撥給肥瘦雜駝沿途疲乏甚多臣部隨行文辦理軍需光祿寺卿王棠轉飭雁平道白石呈速覓壯健馬匹駝隻前往接運在案今復據常能等呈報行至二十二臺馬車大半疲斃不能前進又據卹爾泰呈報洙隆安帶領駝戶所馱火藥等項到大义地方駝隻疲乏甚多不能前進等語所有白石僱給疲瘦馬車駝隻以致沿途屢次耽延實屬玩悞理合據實奏

聞將王棠白石等交部察議等因又准工部具奏咨稱據運送軍需臣部筆帖式元義呈報蒙委運送二十七臺藥鉛等項職到口經雁平道白石僱驟起運至

十四臺車驟例斃職因軍需重大即將職所有盤費銀兩僱駝起運行至二十三臺坐臺之綏和德又復出銀僱駝至四月二十八日始到二十七臺交收明白已將前項緣由報部在案續于六月初八日回至歸化城雁平道白石差伊書辦宋希孔并伊家人同持銀二百兩口稱賠還職墊用駝價等語職隨向差人說前項事件原因軍需墊用腳價亦係官給盤費中那用且副都統圖爾賽已接濟回京盤費不便收此銀兩職隨又將未曾收受銀兩緣由報部及職到京始知職所報文書尚未到部所有情節不敢隱匿據實呈報等因且查軍需物件關係重大雁平道白石等係專辦之員理應預備壯健車駝運送今筆帖式元義解送藥船等項該道等僅給疲瘦驟車以致中途倒斃復又暗給元義銀兩希圖收受塞口以掩已過似此悞公賄飾之員理合據實奏

聞將白石交部察議等因前來 查雁平道白石等先因筆帖式元義運送火藥等項將牲口車輛不辦理堅固以致牲口倒斃阻滯業經臣部照例議以降一級調用具題奉

旨王棠白石向因辦理軍需未悞是以加恩擢用未料始勤終怠近日所辦事件屢以

以遲悞被叅應從重處分以儆急忽俱暫著降三級調用仍在本任辦運軍需贖
贖罪効力欽遵在案今主事常能等運送軍營帳房等項白石等僱給疲瘦馬車
員外郎鄔爾恭等運送火藥等項白石等又僱給攪雜肥瘦駝隻以致沿途
屢次耽延殊屬不合應將降調仍在本任辦理軍需贖罪効力之原任口北道
加光祿寺卿銜王棠雁平道白石均照遲延預備軍需劄于此二起每起再各
降一級調用查王棠有加二級應銷去加二級免其降職再查白石先因僱
給筆帖式元義疲瘦驛車以致中途倒斃復差人暗給元義銀兩藉稱賠還墊
用駝價希圖收受塞口亦屬不應應將雁平道白石照不應重律再降三級調
用查白石已於筆帖式元義運送火藥案內奉

旨暫降三級調用仍在本任辦運軍需贖罪効力欽遵在案今此三案降調之處

應於補官日再降五級用恭候

命下臣部遵奉施行臣等未敢擅便謹

題請

旨雍正十二年九月十八日題本月九日奉
旨依議

吏部等部經筵講官少保兼太子太保保和殿大學士兼管吏部戶部尚書事
加六級臣張廷玉等謹

題為題明事該臣等會議得安慶蘇州江西河南雲南各該督撫補咨雍正十二年
三月十一日以前被火焚燒各案所有官員承審遲延罰俸之案七件承緝接
緝不力住俸罰俸之案八件不能查明仇盜盜罰俸之案二件疎脫軍犯罰俸之
案二件承辦遲延降職之案一件疎防越獄革職限年緝拿之案一件承查承
變遲延罰俸之案三件雜項未完降俸罰俸之案二十件降俸開復之案一件
並非承緝不力住俸開復之案一件不親往巡查革職留任之案一件虛審開
復之案二件共五十四件相應開列

題俟

命下之日臣部等部遵奉施行臣等未敢擅便謹

題請

旨

計開

一件為呈報事查得安慶陞任巡撫徐本咨稱霍山縣張開賢家被盜獲犯孫

二一案限滿尚無招解將承審遲延之霍山縣知縣季崇楷等咨參前來

應將限內卸事之霍山縣丁憂知縣季崇楷照例于補官日罰俸三個月通

限一月以上之霍山縣試用改教知縣蔣燧照例于補官罰俸一年

一件為報明被盜事查得安慶陞任巡撫徐本咨稱霍山縣劉聖正家被盜獲

犯劉三等一案將從前承審遲延之霍山縣知縣季崇楷咨參前來 應

將霍山縣丁憂知縣季崇楷照例于補官日罰俸三個月

一件為霍邑城外等事查得安慶陞任巡撫徐本咨稱霍山縣趙世榮行內

被盜拿獲黃大等一案限滿未據招解將承審遲延之霍山縣試用知縣

蔣燧咨參前來 應將霍山縣試用改教知縣蔣燧照例于補官日罰

俸三個月

一件為特叅重耗等事查得原任江西巡撫謝旻咨稱樂平縣叅革知縣邱

文正徵糧重耗濫刑枉新一案限滿仍無審解將承審遲延之署樂平縣

知縣鄭昌齡等咨參前來

應將署樂平縣試用離任知縣鄭昌齡照例罰俸三個月樂平縣改教知縣李嵩照例于補官日罰俸三個月

一件為特參重耗等事查得原任江西巡撫謝旻咨稱餘干縣參革知縣董永年徵收錢糧濫加重耗一案限滿未據招解將承審遲延之署餘干縣試用知縣陳實顏等咨參前來應將署餘干縣試用離任知縣陳實顏餘干縣知縣詹廣譽均照例罰俸三個月

一件為特參加耗等事查得原任江西巡撫謝旻咨稱南豐縣參革知縣訐松佶加耗浮解一案限滿未據招解將承審遲延之南豐縣試用知縣楊元生咨參前來應將南豐縣試用離任知縣楊元生照例罰俸三個月

一件為特參貪婪等事查得原任江西巡撫謝旻咨稱玉山縣參革知縣程元珏貪婪等款一案限滿尚未審解將承審遲延之玉山縣試用知縣高尚禮咨參前來應將署玉山縣調署南昌縣知縣高尚禮照例罰俸三個月

一件為奏

聞事查得安慶陞任巡撫徐本咨稱合肥縣民馬弘義打傷馬君秀身死脫逃一案